

文苑英華卷第五百五十一

判四十九

雙關門中十二道

鍾官不克亭長易傳判一道

同龔不服義居芝草判一道

掌麈擅放穿墻流惡判一道

襲封錄兄女代父刑判一道

常好種荔繼母出服判一道

甲居重澤田獲三品判一道

是儀書衣主司舉正判一道

旄人奏散率木脩防判一道

登城而指專席而坐判一道



元日懸象稅千畝竹判一道

罷役務農論象肉刑判一道

主司徵筭探郊窺隣判一道

鍾官不克判

庚為鍾官所鑄不克充歲計工部按其罪訴稱鉛錫不足

亭長易傳判

又亭長私易傳置為嗇夫所糾

對

賈晉

六官既分百工有序五里作候十里為亭鍾官所資籍洪

鑪以鑄錫一作鑄傳置之用通遐方以奔走典尚方之衡量

愆亭郵一作亭之掃除位雖列於周官役乃疑於劉氏不克

歲計鉛錫有虧私易傳車二千難追工部以禮闈望重欲

飛奏草章之刑嗇夫以傍舍揭來將對上林之間庚有

詞而難罰亭易傳而寘愆會府無妄繩之辜糾人彰嫉惡

之德况風嚴北陸日落西山仰鳳闕而神微擁鶉衣而思

奪

同夔不服判

得王甲與從母夫趙乙同夔乙有罪物故甲不為三月服

喪從母訴甲無義縣令王庚答甲四十死州斷庚加役流

庚不服

義居芝草判

又虞乙家五從義居園中禾生兩穗庭中產芝草蓋形紫

色隣人告隱瑞州不斷罪亦不上聞

對

李龜年

命以義夫光昭令德俾立家室其禮一作或有差同斐則總

已發檀弓之問義居成瑞雅均唐叔之謠王甲冥豫在躬

物故無服虞乙至誠必察感而遂通從母薄言因邁憫而

興謗隣人所告何至攻乎異端德音莫遠及爾偕老制義

居業光輝日新總帳空懸悲深苦月芝庭獨秀榮曜生春

一作春風宿草之墳未展生芻之禮擢蘭之砌已交蕙葉之陰

縣令能業其官懲忿窒欲州司以明庾政敢復未聞罰既

甚於蹊田瑞頗陳於州里欲拘司敗法也何逃或禮出異

文緣情僂俛瑞符等級易有隨時未尋物故之由難語不

應之坐竚詳靈草之異方書掩瑞之愆

掌麇擅放判

丁獲麇付已掌已愆麇放之丁毆已

穿墻流惡判

又甲孟穿墻為水竇流其惡於街衢坊人論告

對

辛則然

帝德廣運皇綱載紐鳥獸咸若閭閻且千麇郊無不時之

求比屋有可卦之美丁以庸妄謬居東戶之朝孟以謏聞

獲染南風之化自合依仁游藝頌明王之盛德鼓腹擊壤

成一作歌太平之樂事何得盤遊無度肆情於麇鹿之間穿

穴匪恒流穢於街衢之內已則志惟惻隱處食野之長驅

坊則情深嫉惡在公庭而載理徵諸故事已有託付之高
考之今法蓋有干違之豐請科毆已之犯仍坐穿墻之愆
庶不慚於丹筆亦無媿於青史

襲封錄兄判

得丁長當襲代封主司以有兄不錄其讓

女代父刑判

又乙坐法女請代未齒官勒從奴

對

高璠

不掩厥善代選爾勞伊人祗辟咸示中正朝廷作又大明
黜陟使苜茅未建無替於乃服鄭竹斯刊審欺子誠道丁
以祖孫繼體位由當室乙則戒慎不足人自速辜德在友

于復公侯於令季既生女子濟緩急其及嗣仰丁鴻之清
節遠且逃身慕緹縈之淳志期無鑿額有司務隨時之木
徒高守法當官藉通變之識未宜膠柱昔太伯三讓公季
代緒漢除五刑班史垂則行古之道仲子所以捨孫易父
以死趙簡申其禮聘相彼一時之義今爲千載之明豈可
使帶礪遂絕於承家齟齬服刑而代罪兄則不返封欲誰
承女既年弱奴何足任鮑公往矣丁必無由理屈淳于獲
宥乙女亦可恤刑景之前聞庶無疑滯

常好種荔判

戴子恭平居常好種荔時人以爲不道

繼母出服判

又曾元母出不知服

對

易曰出處語默非一途語曰慎終追遠民唐歸厚則所好

不等有如其面一作其面合禮而作難責一作則因心戴恭戴

安之餘曾元曾參之後二十八宿外當處士之星七十二

人中有至孝之性幽寂水石高山景行多所仰止信而欽

風絃歌取樂無妄種荔霜露增感早切采蘭居然傲時遵

是繼母春池湛澹萋已綠風樹蕭條靜復鳴莖葉相依亦

謂盛矣岷岵無託則可親之將備歎一作歲無情故匣貯

期剪緝別偶雙飛將高竒致化成異物結而為裳思得其

趣不苟制服曷所見尤楚客興歌江潭可想周公範法日

月斯懸彼俗何知正刑不豈與其嗤謂豈如勿言道存固

合賞人義盡理難論罪

甲居重澤判

得甲居重澤介疾有喜遂存乎辭或告其妄干他事物不

量力甲云剛得閑邪何往不利

田獲三品判

又景田獲三品自稱有功所統斷為強暴天物且違時禁

景請三司訴持法不中

對

魏嘉慶

麗澤作兌馳騁為獵大易克演老氏攸誠故違者匪宅是

卜終莫之陵愚者動而離制事不師古甲也所處得八卦

之龜與景其律田獲三品之獸物隔疾生喜式損於悔吝
自銜厥功載象於士女詳諸訟者反而不思稽以斷之固
未為失物尋量力義叶獲麟之傳未觀強暴罪挂吞鯨之
網苟用則德歸藏之繫象可尊奄一作奪 諳有司溫柔之薄
言斯在况何往不利違禁見嬰宜寘妄干之責勿容不中
之訴則高尚其事甲取類於緇衣下人之孽景垂慕於白
賁

是儀書衣判

是儀鬻書衣於市或人告其不仁

主司舉正判

又鞏朔身為主司不舉正之術

對

是儀無首

三國志是儀本姓氏孔融朝儀氏字民無上改為是

族變於苟吳鞏朔司

軍績宣於全晉昔聯榮於方冊今異軫於旗亭至於質彼
有無雖歸列肆譏其淫巧必在儲胥詭濫有彰典刑斯舉
書衣創制編冊攸資厠綠篋以相耀雜紫荷而交映是儀
所鬻非法貽譏既多謝於緹油徒獲愆於倍市不任一作
斯露刑故何逃眷彼主司宜從舉正委而不察事或有由
更詰源流兼責名品所犯無謬方可用科

旄人奏散判

日本請吏賜宴於朝旄人奏散不以鞞為惠文冠所持辭
云屬鞞鞞氏

率木脩防判

又柴桑備陽侯脩防率土木丁獨不從曰將俟息壤無何是成徒告其祆縣以為瑞科告不伏並仰正斷

對

朔南聲教萬國賓王神靈滋液百珍寶用日本歸獻越沙海而西浮陽侯順流泛滄江而東徙衣冠所列是同於中外帷蓋其飛有觀於今昔而賜之禮樂飾以隄防歌鍾之奏已聞土木之功爰事將使陳茲禁鞅無差絕國之音乘彼柴桑有廣通津之備彼而奏發稍一作蓋失有常此獨不從定乖於衆遽彰糾禁幾亡成詞初引罪於鞅鞅竟登期於息壤職司之分是則可矜祆妄之疑未應為允惠文所

勅旄人不可寘刑息壤既成縣斷理宜各從案記庶用平反

登城而指判

甲登城而指乙告其惑衆甲云實無祆言

專席而坐判

又丁專席而坐庚遂弔之或以為失禮丁不伏

對

禮經爰備喪紀攸設君子行之以立身賢者俯之以合道理須非禮勿動循不惑之威儀臨而必哀弔有喪以匍匐甲也未達自貽登城之罪庚也有儀俄驚失禮之謗彼則戾矣此何誤焉且登而不言既異仲宣之賦弔而未爽無

違孔父之經撫事勞於一作而三思片言申其一割但指則為感一作感衆何必有於祿言弔其有喪寧可科其失禮向若登而不指乙告即曰誣人坐而不專與弔便為失禮况理則無味事其可觀自邀惑衆之科未闕弔人之禮寘甲之罪斯為得歟論庚之辜頗多失矣

元日懸象判

甲懸政象之法闕下金吾不許曰職在佐天子以平邦國
浹日而歛之

稅千畝竹判

又乙家渭濱有竹千畝京兆府什一稅之辭云非九穀

對

李陽水

司馬之職懸政一時封君之富比竹千畝高標魏闕事昭
漸於周官近數渭濱理詳明於漢典所以平邦國之度通
貨殖之宜傳稱百王其禮一作道不易著乎三代厥義難渝
方今區宇乂寧刑辟不用百工以理庶績其凝實由懸法
有孚執古以道寧從變俗之禮以紊守官之政歛在浹日
孰云其非至如什一而取井田遺制九穀之外均輸未聞
苟脩篁之可率且丹橘其何賦金吾不許實僭大猷乙也
有云雅符舊典兩端是扣片言斯折

罷役務農判

得戶部議請罷秦中百役專務農計其人可止關東轉漕
長吏云兵滿近郊一作懸農人未復恐不足支國用

論象肉刑判

又甲與乙俱獻書甲請復象刑云行之已久人必自化乙請復肉刑云三代舊法所活甚多大理議俱不中

對

李紳

四征不庭錢穀是貴百王所切刑法其難將哀輓粟之勞同舉赭衣之論顧茲建議惟彼獻書職勞不來既有東人之歎惟命難繼永瞻緹縈之感豈擢髮之未宜一作何刺骨之攸聞澶漫渭川曾莫顧其千一作刻深秦法且不一作愧於多端應緣兵未解鞍衣迷襍襖人絀一作拔劍法異墨蒙計必平均不應瘠魯肥杞令資禁止何必一作噬膚則足况國家儉嗇寡欲好生惡死永懷其禍每捐無一作蓋之功尚一作論

兵豈命有司之殺職由是舉合量出入得疑作

用不擾當

測淺深咸功恤勞既令戎祀能給揆今酌古必使憲章勿墜三輔長吏不牽復於所司千代宏綱善行之於聖日

主司徵筭判

得主司徵筭矣訴未冠

探郊窺隣判

又毋丘三兒登木探郊隣人以窺見室家執縛之

對

岐敬忠

輕徭賦則人安不覆巢則鳳集有司徵筭誠遠符於漢主毋丘探郊斯近慕於晉臣癸且有詞實庸人之告訴立為無賴何小子之猖狂若國用耗虛自七歲而宜筭宅居隣

里思一顧而便窺亦何限於冠年須發怒於登木况爲無
事詎藉稅錢之歛旣幼而小何處望風之責甲宜釋放
請不徵

按正十八字

戊寅九月十三日

文苑英華卷第五百五十一

文苑英華卷第五百五十二

判五十

雙關門下十二道

司倉拔薤父老送錢判一道

父友操杖諸母激裳判一道

春日餽獸夏日迎猫判一道

賁次如苴卜得乾坤判一道

社中木鳩朔望秩酒判一道

坐大夫簣喪姊不除判一道

損名馬式直講考經判一道

男加布首縣宰倉漏判一道

私取行馬鸚爵享禰判一道

函人所掌張侯下網判一道
結交四騎獲豹不賞判一道

被髮禱斗學盤盂書判一道

司倉拔薤判

滑州刺史初臨人掃第以待司倉乃拔家薤一本水一器
置於第中刺史入第見之以其饋餉遂與下考司倉不伏
父老送錢判

又越州都督更滿將還父老以錢物追送都督各取大錢
一枚蕪使訪知科其贓罪刑部例以為不當

對

王友方

負海名區攸稱越府濱河大郡爰指滑臺旁連射的之邊
俯帶灑舟之浦戶千人萬實俟蕪能露冕褰帷是資寬惠
司倉之置水拔薤方取喻於罷參父老之賣物送錢乃報
恩於劉寵漢陽服其高義耶溪書以清風取之者不以為
貪置之者無聞於詭詭不累物難以損名貪不汝求詎得
而罪饋餉之理與此全乖蕪察之行始將謬舉賴秋官審
慎弘茲閱實類皆無罪竊謂合宜

父友操杖判

得甲造父友操杖從之友將為謀已命子毆之

諸母漱裳判

又乙脫犢鼻裊命諸母漱之庶弟告違禮

對

凡適於尊必聞操杖欲敬諸母豈可激裳見父之執雖退讓而明禮逢彼之怒遂嫌疑而未防且挂竿之資誠為穢服几杖之類克謀長者將害已而令毀此已負人取諸衣而見滌亦彰無禮子承父命或迫嚴顏季論昆非攸乖禦侮大未離於飛鳥兩難漏於吞鯨

春日餽獸判

習齒以春日餽獸

夏日迎猶判

姜肱以夏日迎猶

對

高昇

至人御時大禮爰設資貪

疑作含

育以為德立隄防以垂範

一作杖

三千之儀畢備九歌之序載揚承規理人開物成化習齒以青揚肇發落韶夏之風景姜肱以朱明始臨欣畏日之卉木俱尊函丈之業共仰摠衣之軌爰茲餽獸未叶於順時復此迎猶有虧於通典事不師古如何兩味學而不脩此焉雙缺適吳蜀以俱廢比臧穀以同年雖聖主寬刑唯留一面而愚人惰學自挂三章咎也已招法將焉設請從泣辜之筆以徵紊禮之至

貲次如苴判

甲貲次如苴乙強力為甲持錢舉半以遺侯家甲告乙盜用錢乙云望依權力人不敢負

卜得乾坤判

又景之宋卜得乾坤丁告遠禁景不伏

對

貨貨山積行役如流四人別其工商六位占其來往惟乙與甲食利遇時等朱公之在陶慕梁生之適越豐其家產列次於其觀彼國風將之乎宋小人窺利冀獲浮雲之財君子于行希就隕星之郡既假人而出舉實跋予而望之乙寡貞廉欲附其末既虧典禮誠不足徵異管仲之處南陽同孔丘之去東魯所持雖則減半將存故未全賒縱見遺於侯家實無追於殷道徒資權要空遇乾坤據法律而未通在禮經而無禁甲稱盜用頗涉盜由丁告差違豈為差謬文飾其過猶掩耳而盜鍾詰問其源殊疾行而惡迹乙則有罪景乃無辜彼按三章用肅嚴霜之典此詳五刑須寬類王之條狀亦疑既造殊途割斷豈宜同罪

社中木鳩判

甲旅食於人飲三爵行見社中木鳩鬪嚴駕而去因告主人謀殺

朔望秩酒判

又景朝朔由供秩酒不如法

對

李歆

甲常疑作寄字韓信傳常寄食於人食同韓信之未遇景朝朔拘孔光之

暮年王者優賢仍存几杖之禮主人愛客遂陳觴酌之儀三爵初行未應醉止上樽有闕罪即司存既而鳩鬪社中

華佗於馬辭去醴酒不設穆生所以言歸非養老之恩有
虧乃起訟之徵斯驗害人無兆本非謀殺之條供秩乖儀
須遵闕養之律罪歸酒正請送士師誣告主人應科反坐

坐大夫簣判

諫議大夫廖貞真坐黜疾用大夫簣

喪姊不除服判

又俞仲喪姊不除服

對

張懷道

位列千官藻火陳輕重之制禮明五服床麻經分喪紀之儀
苟失其中章程是紊廖真門承累葉坐登朝散之榮俞仲
痛切連枝行招墨綬之問潘仁之遭遣累將復位而無階

子路之寡兄弟欲除喪而未忍與其易而寧戚稱越周公
之經當其疾而不遑猶卧大夫之簣下烏臺而遞糾如申
避馬之威舉丹筆以緩刑似得求羊之術與奪合理法有
固於隄防刑罰失中人無措其手足縱其床簣不易見譏
非帛之書服制將逾豈累絃歌之化言規小過欲寘深文
令長臨人未庶幾於蠶蠨鷹鷂逐雀亦何問於狐狸聽子
興之言 罪不假於科繩事終期於改正仲之
無罪小鮮之責太深貞亦何辜大理之折斯當

損名馬式判

損名馬式

直講考經判

又直講請考專經

對

六藝式崇執馭為重九流分派經明可尚執鞭投策先占
所宗聞道尊儒禮訓攸著疑想攸乙思所出群瞻言于下
學優而仕規玉臺之妙式遠求名馬崇金籬之奧義載想
躡龍故得權奇之形事光於鎔鑄切嗟之道譽聞於膠庠
紫燕雲飛影弄珂前之雪青衿日就來呈席上之珍既而
欲聘長途遂得榮叅直講且甲之無故或至損傷丁以有
功理宜褒進免科已從寬宥合賞湏即告知職司既在專
經可得更邀他伎判放之筆詎曉通途告濫之詞未為高
見

男加布首判

得王甲散官八品有男將加布其首筮於堂

縣宰倉漏判

又尹乙掌縣倉漏三所斷徵銅自解職仰正斷

對

魯唐客

王甲迹厠九流榮叅散冗尹乙聲高百里任摠絃歌玉樹
光庭早襲夢熊之慶銅章列位未洽烹鮮之術禮經攸設
存乎冠昏人天所賴在於倉儲緇布有序三加之義式陳
禮節其興千箱之積斯在過庭之訓教子未虧於義方作
宰之規為政殊乖於慎密矧茲卜筮廼撰良辰惟彼蓋藏
旋聞弊漏於堂則有虧明禮墮職則湏按常刑稽以三千

詳諸五聽昨醮陳其升降深謂合宜龜王毀於積中誰執其咎在禮無失於法有違存以威儀同仲尼之好禮輒求解職異淵唐諱明之去官加布未爽於前聞罰銅請依於州

斷

私取行馬判

得暨師私取行馬以爨為主司所擒獲

鸚爵享禰判

又乙弗鸚爵不更享禰以翰音或告禮薄並仰處分

對

邾象錢

行馬申儀事章恒典翰音致享理煥經書為法藉於隄防設禮光於昭穆既將入爨有異鳳琴之鳴乙制不更遂

杯之禮但關梁禁遏本防內外之姦黍稷案盛彌益室家之道私取既無陳請已犯嚴科薄禮即欲告言恐傷孟浪主司擒獲誠曰奉公乙弗所違理宜窮詰且法不遺貴必行之命攸申禮不下庶輕重之端宜審竊尋名姓莫辨高卑請更叅詳然後科結庶使兩曹義獄罷雙壁之堅疑北寺平刑絕百金之奸利

函人所掌判

函人所掌不利欲告鎔範非工

張侯下綱判

又景張侯下綱不及地武

對

揚頤

建侯行師預順以動弦木羽蒿煥威以作數我軍實昭彼
文章犀兕允著其壽年熊虎唐諱方異其班飾則考工有職
梓人不替五等差數三屬分明實戎律之所先誠保大之
攸急聿宜精其鎔範最彼弛張對夫子之和容拒養由之
徹箭且賓人實貫味我通規函人之仁愆乎所掌是以綱
不及地將和容之未足而或告非工處常刑而誰捨聖澤
遐湊皇明幽燭射以觀士武以備文中罕主皮賓有書於
揖讓作而不利人無取於能疑作晉陽之美既虧矍相
之儀何覩請徵非道方宜嚴刑

結交四騎判

南郡玄栖好黃老通德結交四騎所由以為非宜

獲豹不賞判

又捕烏鼠獲玄豹訴不酬賞

對

乘輅持斧漢家有直指之使鳥獸草木舜典標山澤之官
考行議能以先清舉選徒校獵自符月令抱甕矯俗已見
一作是褒升徒搏異物不聞加賞假漢廷之跡猶或心勞越
周家之雄乃聞手格州科妄罪須正本條使稱違式未詳
其事

被髮禱斗判

甲被髮禱于北斗乙告其詛云侯家恐盜

學盤孟書判

又丁學盤盂書庚相為引重後遂舉行其罪或止之甲云
以此報德

對

律防姦慝書垂勸誡有犯無赦德懋必彰載以玉條藏之
金匱使邪妄知禁忠義有憑至如北斗星象東臺秘績匪
遇疑庶之所規祈實詞儒之所探練甲被髮以淫禱丁伏
膺以獵精乙摘詛以明辜庚引重以旌譽詰理則事一作志
窮討賊原心則情在崇儒證漢代之浮訛荐彰其蠹習殷
時之典訓載穆其方且祝詛星曆刑莫重焉銘頌盤盂道
亦斯在息夫妄惑其術昔時已滅其身李尤刻緝其詞後
世亦高其旨曲而不離請標豐於詳刑婉而且微疑作聞

舉罪以酬德乙之所訴詰以實金科或人止之恐味前典

九月十三日校改正三十字判詞凡五十卷率皆當試帖

絕少佳章耗兼旬之力乃得藏事深以為幸藏園記

今日訪誦芬觀新收活字本諸君奏議直三千金可詫也

文苑英華卷第五百五十二

文苑英華卷第五百五十三

表一

賀登極

代張仁亶賀中宗登極表一首

賀肅宗登極上玄宗表一首

賀登極表八首

賀郊禮

賀拜南郊表三首

賀饗太廟拜南郊表一首

為郭令公賀南大禮表一首

為桂府王中丞賀南郊表一首

賀登極

代張仁亶賀中宗登極表

吳少微神龍元年

臣仁宣言今月一日春官牒至皇帝陛下按新舊唐書正月丙

午中宗即位時張仁宣知洛州所上表作去月為是類表作五月非也二十五日光臨寶極

誕告萬方億兆群生抃舞欣一作賀歡一作賀不幸甚六字賀中臣

聞皇天愛人則有非常之主聖人受命必復先王之業伏

惟皇帝陛下明德動天輯寧國家張乾坤之重位紹文武

之耿光日月再真正朔惟序百神啓祐九服咸若類表作熙天

下元元不勝慶戴臣夙仕皇朝彼荷恩化荏苒勤役復遇

聖朝一作扶枯一作朽再生慶抃類表作踴躍之情特萬恒品臣

忝慶州域未獲馳賀闕庭十一無此字

此篇一本作呂温代鄭相賀登極表其間異同注

為一作呂集亦無此其誤何疑

賀肅宗即位上玄宗表

顏真卿

臣真卿言六月二十七日伏承賊陷潼關駕幸蜀郡李光

弼郭子儀等正圍博陵郡收兵入土門王師既還百姓震

恐憂惶危懼若無所歸臣不勝悲憤之深遂遣脚力人張

雲子問道上表猶恐不達又差招討判官信都郡武邑縣

主簿李詵集作詵下同相繼間行詵及雲子前後並到靈武郡

奉皇帝七月十二勅伏承陛下命皇太子踐祚改元皇帝

上陛下尊號曰上皇天帝臣及官吏僧道耆壽百姓等蹈

舞抃躍不勝感咽其張雲子回皇帝授臣工部尚書兼御

史大夫其李詵回又授臣銀青光祿大夫顧以庸微預叨

寵命道路隔絕辭讓無由進退失圖伏增惶懼竊以逆賊

安祿山孤負聖恩，憑陵寓縣，禍盈惡稔，尚稽天誅。今皇帝撫軍蒼生，賈勇豐鎬，河洛指期可平，伏願陛下垂拱頤神，以覩廓清之慶。臣官守有限，不獲隨例一作到闕庭，無任懇款悲戀之至。

代崔冀公賀登極表

于公異

臣某言：今月五日寅時，大理少卿馬炫至，未時監軍使判官奚官局丞程仙望至，累承恩命，宣慰臣及軍府將吏僧道百姓等，半日之間，二使連至，六辰之內，五奉詔書，恩旨便繁，顧問稠疊，感懼交集，競隕失圖，中賀臣聞玄穹降災，吉凶常數，儲后繼立，周漢舊儀，伏惟陛下承類表纂八葉之重，熙叶千齡之廣，運以為四海務重，不可以一日而無君。

九廟禮崇，不可以一朝而之；饗是以順先皇三日之詔，

群臣五表之請，克遵古訓，虔奉國經，俯仰聖情，以臨寶位。

大頒類表睠命，再造寰區，海內悲歡，天下幸甚。臣謬司節

制，職守方隅，不得與萬計連行，同參盛禮，千官並列，稱慶

闕庭，無任抃躍哀榮之至。

代路尚書賀登極表

王緯

臣某言：臣伏聞陛下以某月日，虔奉典冊，允升寶位，凡在

群生，孰不感慶中賀。臣聞大人繼明，品物皆照，聖人首出

萬國，咸寧是以殷宗恭默，績成湯之業，漢明聰哲，繼光武

之緒，伏惟陛下並離開耀，體乾成德，神武著乎撫軍，孝敬

形于主鬯，洎受遺嗣，政正位居體，以荷大業，載緝重光，布

詔號於華裔慰人神於邊密此所以溥天之下食土之毛
喜抃踊躍而不知其止者臣守職藩鎮不獲稱賀瞻望闕
庭無任哀榮之至

代鄭尚書賀登極表

令狐楚

臣某言伏承皇帝光膺冊命踐登寶位率土臣子抃慶滋
深中賀臣聞天子之孝以纂承為重聖人之寶以傳授為
公伏惟皇帝陛下德合乾符道光天宇廓寰區以御曆灑
渥澤而飛龍上以代太上之憂勤下以副群生之欣戴溥
傳天旨大洽人心喜氣騰輝晴雲動色黎元率舞將校傳
呼即日而萬姓歡康累旬而四海清謐臣職當統帥寄重
方隅慶賀之誠倍萬常品限以所守不獲奔赴闕庭

代孔侍郎蕃中賀順宗登極表

呂溫

臣某言六月十六集作四日入蕃告哀使右類表作左金吾將軍
兼御史中丞田景度至吐蕃列館伏承皇帝陛下以正月
二十六日明德奉天纂臨宸極重光昇耀百化惟新澤被
幽遐慶覃動植中賀臣聞和氣既蒸勾萌具集作必類達表作且非
時雨將降柱礎猶知臣從役單車閉留絕域天臨日照而
別處幽陰雷動風行而兀為聾聵伏賴英華作願恐非陛下義敦

柔遠禮及窮荒始獲虔奉德音仰霑聖澤具寮就列無階
蹈詠之初庶物效靈獨在飛沉之後舛薄鍾命耻玷自躬
疚心厚顏罔知攸措今月七日自列集作別館回至河州大
夏川即以十二日進發星言夕惕豈敢遑寧瞻望天集作闕

庭載深感懼類表作躍無任喜抃屏營之至

賀登極表

柳宗元

臣某言太子中舍嚴公弼至伏奉某月日勅書慰諭伏承陛下以某月日虔奉典冊允昇寶位凡在群生孰不慶幸

臣某誠歡誠抃頓首頓首臣聞天地泰而聖人出雷雨解

而品物榮是以五行迭用木火更其位十葉重光宗廟輔

其德殷宗恭默再開集作闢成湯之業漢文聰明克承高祖

集作帝之緒陛下重離出曜體乾繼統主鬯彰孝恭之美撫

軍著神武之功欽承遺訓永保鴻業過密之中施雨露以

被物遐邇之地覩日月之繼明則四維之外八極之表人

神胥悅草木皆春煦嫗生成不失覆載况臣謬膺守土集作

藩守累受國恩爰自出身洎乎領鎮沐浴聖澤優游昌時不

獲覩闕庭之禮展臣庶之分戴天荷聖倍萬恒情

賀登極表

劉禹錫

臣某言伏見詔書正月二十六日皇帝陛下嗣登寶位萬

國同歡日月繼明乾坤交泰中賀伏惟皇帝陛下欽承顧

命惟懷求圖以大孝奉宗桃以至仁蘇品物洞照寰海統

和神人聖祚遙集作延長從今無極群生鼓舞自此大寧臣

限守遐藩恪居官次云

代李相賀登極表

王超總日作起

臣某言臣伏聞陛下式遵典章正位宸極臣聞大明繼照

雖昧者必昭其視震雷發聲雖瞶者必達其聽是以聖人

同卉木咸悅一作獨振甲朔野履水一作河外不獲躬陪玉
輅預奉圓壇屏營塞垣抃躍何已無任翹翹息藻之
至

同前

前人

臣某言臣伏承陛下親拜類表南郊恭禋上帝竭孝誠於

殷薦示藝訓於兆人寰海無虞類表玄穹啓祐百靈効類表

受職九服駿奔燔燎洞合於神光日月共禎於瑞色乾坤

交泰動植歡榮臣限以守職在藩不獲趨陪大禮無任慶

躍屏營之至

賀饗太廟拜南郊表

前人

臣某言臣得度支鹽鐵轉運副使戶部侍郎潘孟陽狀報

伏承皇帝陛下以來年正月四日謁玄元宮五日饗太廟

六日拜南郊制命施行中外慶抃臣某誠歡誠抃頓首頓

首臣聞四氣首時復端為貴六經重祭報本是先伏惟皇

帝陛下光啓睿圖纂承寶曆功格宇宙德冠勳華以建寅

之吉辰備用辛之大禮祗事宮類表廟克禋烈祖之嚴對

越天地聿脩孝孫之敬萬靈從祀以膺饗與饗四夷率職

而駿奔樂奏一作九成神降百福臣幸逢昌運外守藩條

不及侍蒼輅之後塵仰泰壇之盛典心馳魏闕目極漢儀

踴躍海隅陪萬恒品

賀南郊表

令狐楚

臣某言伏奉聖旨以來年正月五日朝獻太清宮饗太廟

七日有事於南郊宜令所司準式者敬莫大於朝宗廟嚴
莫大於饗郊丘此二帝三王與聖祖神宗之所以總百靈
而臨萬國巍乎盛烈也伏惟皇帝陛下光膺大寶茂對上
玄盡誠信以奉先極婉愉而致養孝光夷貊悌達神明方
將告成功敷顯號惟天為大俾衆庶咸新如日之昇與品
物相見六幽傾耳四海翹首凡在臣下不勝慶幸而臣謬
貞師律叨守戎藩不得捧豆籩於清廟之中執玉帛于泰
壇之下仰觀盛禮伏賀鴻休聳踴轅門無任戀結屏營之
至謹遣某官某奉表陳賀以聞

為郭令公賀南郊大禮表

邵說

臣某言伏承今月二日冊皇太子六日朝獻太清宮七日

享太廟八日有事于南郊者欵謁宮廟尊崇祖禰展郊類

作天之禮百神受職弘主鬯之義萬國以貞率土之濱孰

不忻戴臣限以出鎮闕覩盛事類表仰白日以心馳望赤

類表作彫墀而手抃無任歡慶之至

為桂府王珙中丞賀南郊表

令狐楚

臣某言伏奉十一月十日制書南郊大禮畢大赦天下者

湛恩龐鴻大號渙汗際天接地孰不慶幸中賀臣聞禘嘗

之禮所以仁祖禰也郊祀之儀所以尊天地也五帝之前

蕡桴土鼓致其敬敬有餘矣而禮不足三王以降金壘玉

尊備其禮禮有餘矣而敬不一作聞秦之增封也覬望神

仙漢之郊丘也禳除災害雖無文而咸秩終有廢而莫舉

猶可以編在方冊垂其鳴名豈若國家參文質于六經之中陛下酌損益於百代之後既文粹作順昊天承命得黎人之歡心九穀有年四方無事然後固吉土迎長日咸池屢

舞文粹作奏太簇登歌萬靈識周旋之位百神知饗獻之節雲

歛文粹作散而柴燎高達風清而蕭薌遠聞信大報之無私亦玄鑒之不昧臣當時集軍州文粹作將官吏僧道百姓等丁寧

宣示訖惟天之意莫遺於細微如日之輝不隔於幽遠頑鈍知感鬼神懷柔何則文粹作刑莫大於成獄陛下捨之罪

無輕重恩莫深於延賞陛下推之澤及存歿行道求志敢於直言者既許以親覽觸綸呈網屏於文粹作遠方者又移

之近郊減來歲之新稅文粹作租昭其儉也棄七歲文粹作之

逋債弘諸仁也念勲臣而樹勲者益勸尊有德而不德者知慙賜羸老有粟帛之優禮神祇無牲幣之愛此所謂幽

室盡曉枯條遍春雷雨作而蟄蟲昭蘇疾風文粹作行而窮

文粹作籠鳥飛舞率土臣下文粹作妾不勝大慶况臣蒙被恩澤獲

茲生類會守遠郡阻窺盛禮徘徊天外目與心斷無任抃躍戀結之心謹遣遣突將王清朝等奉表陳賀以聞

按正二十三日

九月望抱素書室記

文苑英華卷第五百五十三

文苑英華卷第五百五十四

表二

尊號一

朝集使等上尊號表二首

宰相等上尊號表五首

代百官請上尊號表二首

元和南省請上尊號表三首

朝集使等上尊號表

李嶠

臣某等言臣等聞正覺既隱而苦海橫流衆教不興而業

風亂起則有至人應運元聖撫期授手而拯其沉淪推心

而救其焚蕪四生不慧必將有以宅其緣六度未康必將

有以振其緒慈氏越古今金輪聖神皇帝陛下業隆四諦德

懋三空道成於祗劫之初迹遠於梵天之外而深惻末教
俯哀流俗弘善推之畧下濟蒼生屈無上之尊降臨丹宸
神功暢於明一至德覃於吹萬三千國土咸登福壽之庭
百億天人並出塵勞之境能紹七佛之鴻業躡三身之正
位雖多寶之證明法教出見空虛釋迦之愍護凡愚來遊
穢濁未足以仰參神變遠婉仁慈臣等宿植有因生平多
幸聖朝難遇類葭葉之希逢法主儻來似曇花之一出屬
千齡之大慶欣萬劫之禎符是用下方訪謳歌旁稽識錄攀
玉署駕鴻之議雜金園龍象之謀拜手闕庭虔奉徽號叫
帝闈而延佇徒罄丹誠仰天路而遲回不流玄霤朝野失
望衣冠沮色竊惟聖人忘已以百姓為心菩薩救時共衆
生合體是故屈伸進退因其志而不違變化感通順其求
一作求來而不隔伏乞暫回聖慮俯鑒愚誠弘至公之大道畧
鳴謙之小節特命有司勉膺殊典使尊名嘉號與法日而
俱懸寶筭靈基比恒沙而不極臣等得預陪下列攀奉末
光長登正法之筵永樹來生之果豈不幸矣豈不大矣無
任誠懇之至謹請闕固請以聞

同前

蔣欽緒

朝集使魏州刺史臣欽緒等二百四十六人言臣聞三統
稱皇五德號帝道實為大義不可名且以明覆載之尊協
神人之望稽衆允迪萬邦咸休伏惟陛下道合乾坤明並
日月敷廣運之德懋昭格之功充塞六合光被二儀陛下

之聖理也禮展園廟孝感禎祥陛下之神應一作文也經

天締地制禮作樂陛下之文德也柔遠能邇戡難定亂陛

下之武成也殫百王之能事創千古之終禮幽明感慶華

裔帥信伯益所謂乃聖乃神乃武乃文者也今大號雖稱

神武未備聖文臣等忝官州郡幸因朝集不勝至願望上

尊號開元聖文神武皇帝謹於朝堂昧死上表

代宰相上疑作尊號表 崔融

臣某言臣聞形器以陳萬物有名之謂母尊卑既位兩儀

合德之謂皇非母則不能慈愛域中非皇則不能導化天

下歷考前政詳窺舊牒金匱玉版帝王之迹易推鐵軸銅

渾天地之情可驗不知誰子氣母握其靈機厥初生人從

皇一作啓其光宅然則儀神配來至聖者所以降天符建

極施尊至神者所以塞人望禮存知貴事叶強為天命則

休應畢臻人心則休應允集不可得而避也不可得而違

也其唯聖人乎其唯神用乎伏見某日制書以天授聖圖

群臣上尊號曰聖母神皇昭備典冊肅應景命大救天下

賜酺五日含生之類稟識之儀顛顛如欣欣如洎鳥獸率

舞與草樹咸樂中謝臣聞以凡測聖者理絕於名言以管

窺天者事迷於遠近雖帝其何力自聞田父之歌而事有

不談終獲樵夫之笑亦安敢梗槩而無述哉粵若稽古聖

母神皇陰陽和而獻德生日月合而冲靈降其在家也御

娥氏之瑤臺其正位也縮漢皇之王璽維皇高祖肇創王

娥氏之瑤臺其正位也縮漢皇之王璽維皇高祖肇創王

業惟太宗克成帝功惟高宗發揮二聖之耿光惟陛下對
越三后之明命顯承遺託敬守前基弘濟艱難躬親政事
情深社稷義切園陵其至公有如此者七月而葬三年免
喪乃顧明辟載懷高蹈陛下致還君之美德盛於謙尊皇
帝竭爲子之孝一作方誠深於覆育八紘無外六合一家其
冲讓有如此者蒐八代之禮講三王之樂定齊斬之數革
靡曼之音草章程垂勸誡除指斥之坐議故誤之條百官
以理萬人以察其制作有如此者慎終追遠因心罔極崇
七廟廣三雍仁不遺於一物教必行於百姓有虞舜大孝
之德焉訓甲兵誓將帥南北清晏東西緝穆有軒皇戰代
之功焉定都邑殊徽號居三統之政處六合之中有周成

一作武非

隆平之業焉錦繡羅縠彫文刻鏤人君之美色也而
陛下澣濯之服大帛之衣珍羞圓方茲味重累人君之其
旨也而陛下藜藿之羹粢糲之飯黃金白玉青珠紫貝人
君之驕也而陛下所寶唯賢所重唯穀上林禁苑層臺累
榭人君之麗也而陛下宮垣不葺廊宇莫脩置拾遺補闕
之官則前疑後承仰天府地執云尚也創通賢招諫之匪
則聽聲之鼓告善之旌疇以懿茲夫然後一作故不登而高
不行而遠天降以瑞地升以符日月光風雨潤慶雲出神
泉湧鳳凰翔於庭麒麟臻於囿雲集霧散日至月書固不
可得而言也陛下猶固守冲挹深惟惕厲以玄默爲神澹
泊爲德回聖慮運全謨采衢室之舊儀酌明臺之故事因

人之欲不日而成於是靈命孔彰玄心摠集山開秘篆洛
 出祥圖每纓冕同觀軒墀共謁則有曦車五色對玉匣而
 如遲雲蓋三層伴瓊絨而不去豈非顯見神物覺寤黎蒸
 者歟可以昭報昊穹可以抑揚宗社明至德表至功陰陽
 不測之謂神應變不窮之謂聖洋洋乎發育萬物蕩蕩乎
 人無能名尊號之來豈徒然而已也聖母神皇乃不得已
 而從之命有司膺大禮秩群望懷百神配諸侯於四瀆一作
 海視上公於五鎮百姓有辜一作辜思與天下滌之一人有
 慶思與天下覃之垂動鑰之深思降合錢之普澤凡百在
 育不知手之舞之足之蹈之者也豈使女媧神化仍參泰
 古之皇太姒徽音獨擅隆周之母而已臣微臣早霜揚歷

奉恩榮慙擁腫之曲材荷生成之大德山濤者渾金之器

魏國權之以尚書伊尹者飾王之姿殷朝待之於右相在

臣驚暗遠謝賢明徽逢振袂擢登左右陛下不以臣不肖

復使臣待罪元戎顧無平虜之能未答破羌之寄恭聞瑞

典載休鴻私幸屬皇羲之代欣承帝魁之美冕旒端拱既

不獲接景前行玉帛來朝又不獲趨風後位橫行萬里限

中國以長城棟踴一隅望東朝於西域不任悅豫一作翹

勤一作動之至謹遣某官奉表稱賀以聞垂洪四年帝待價

道行軍
大總管

宰相等上尊號表

裴光庭

臣光庭等言臣聞惟天為大聖人合其德知微其神至人

契其道德應者天錫其命道尊者帝受其名伏惟陛下克
享天心誕承丕命仁育萬類道光四表功業見乎變禎符

一作命應乎時往者國步多艱克清內難皇天眷祐受命文

宗允叶聖謨肇脩人紀不易日月再造乾坤此陛下之神

武也若乃欽明上古允恭克讓綴學設教定禮創曆章施

五采克諧八音緝熙之教成肅雍之德備此陛下之聖文

也若郊祀天地文之經也敬事神祇文之德也柔遠能邇

文之化也登封告成文之表也非大聖則不能合其典摹

非至神則不能制其通變故功成者不可不表德至者不

可不崇是以百辟顛望三靈乃眷將謂鴻名尚闕大典未

敷臣等昧死上尊號為開元聖文武皇帝陛下將以首

出千古表正萬邦伏願守神器之至公遺鳴謙之小節微

名不可以深拒大典不可以固違則乃謂韶盡美矣又盡

善也凡在含生不勝大慶臣等區區敢以固請

第二表

臣光庭等言臣伏以聖德廣運神功莫大昭升于上敷聞

在下是用稽古歷考元符敢備鴻名以光帝冊陛下蒸蒸

大孝翼翼小心冲讓惟誠未允群請臣等愚蔽罔知所圖

臣聞聖者與天地合其德日月齊其明智無不通物無不

照其德合其名稱蓋聖人之摠名非王者之私受昔周尊

后稷推以配天所以美其聖矣及思齊文王人樂其德所

以稱其聖矣及下武繼文能受其命亦稱其聖矣是以列

聖相承受天之祐豈則前聖有紀而後聖無名陛下聖無不通神無不妙克受文命大定武功稽之於古則如彼考之於今則如此豈可鴻名大寶未有所崇蓋天受者不可違人欲者從其願伏乞暫回玄鑒俯察丹誠使文德武功鬱為稱首朝聞其道夕死是其區區以固請無任悚踴之至

第三表

臣光庭等言臣等竊因輿頌上奉鴻名冊懇備陳玄鑒猶邈是故退省方策進輸真類表誠伏惟陛下少回天恩則海內幸甚臣聞天下者列帝之公器聖號者先王之至名故業崇則器尊道在則名應理徵不假義與無私今天之

祚唐光乎類表累聖天則有命聖可無名今若違而不

居請而不類表豈所謂畏天命以欲從人一作以之昔

哉伏惟聖以知時神以妙物文經造化武定邦家書云乃

聖乃神乃武乃文光昭帝圖莫斯類表為大不稽古之明

義豈在今之能名臣等虔率舊章奉將玄命非敢虛美以

咎疑其詞伏願上察天心下自人聽使百靈遂望萬古式

瞻則朝聞其道夕死無恨臣等不勝懇迫之至

代宰相請上尊號第二表 白居易

臣某等言今月二十四日臣等已陳表章請上尊號愚誠

懇切聖鑒未回踏地踟天不勝大願臣某等誠惶誠恐頓

首頓首臣聞大道者無求於物物尊而不辭至公者非欲

其名名生而不讓不讓故與天合德不辭故率土歸心斯所謂應乎天集有順乎人者也伏惟皇帝陛下嗣興一德

統牧萬方致時俗於集作和平納生靈於福集作壽金華

已偃銷七十載之厲階此句一作鋪七王燭方調啓一千

年之聖運天人合應書軌混同而鴻名未加盛典猶缺華

夷失望史冊無光此誠君上之譙然亦陛下之罪也今臣

所以上啓集作天意下酌人情再黷皇明重陳丹慙臣謹

按書曰惟睿作聖四字集作思又曰乃聖乃神乃武乃文

又經曰明王之以孝理天下凡此五者歷觀列辟雖甚盛

德莫能兼之伏以陛下自臨大位及茲二年無巾車汗馬

之勞而坐平鎮冀無亡弓遺鏃之費而立定幽燕仁和

董橫驚盡化不可謂睿文乎削平天下震曜八荒北虜求

婚以稟命西戎乞盟而納款威靈所集作及奔走來賓可

不謂神武乎陛下以萬乘之尊四海之富供養長樂道光

化成推而致集作之可塞天地可不謂孝德乎故臣等敢

冒死稽首上尊號曰睿文神武孝德皇帝伏惟陛下畧為

謙之小節弘祖宗之大猷惟十二集作聖在天豈忘繼其

志以億兆人為子寧忍阻其心特回宸衷俯受徽號在玄

功不為主宰於盛德有所形容煥乎大哉垂裕無極此實

天下之幸集作非獨臣之幸也臣等無任誠願懇禱之至

代百官請上尊號第二表

崔融

臣等言一昨仰稽舊章虔上尊號至誠猶鬱冲旨未回孤

中謝及下文謝皆以字例

通之心缺神祇之望群臣百辟相顧罔然中謝臣聞古先王者祇奉天命遭時為法因事制宜不必相沿各有所立化而裁之存乎變推而行之存乎通故庖犧是生創天下之法則周成既作改人間之制度况煌煌大寶穆穆中興至道已邁於胥庭鴻名尚襲於漢代臣子之地悚迫不安又謝伏惟陛下紹開聖圖光復丕緒繼文之體行湯之政撫綏兆庶清蕩二兇舊物不失能收夏衆老吏垂涕復見漢官補三皇之缺文緝五帝之漏目享太廟祀明堂禁網踈闊凡事簡易道德海浸符瑞山承百蠻向風萬人樂業固以萌祇開闢彈壓往初自可去故而取新何必同條而共貫循季末之常躅忽殊尤之盛儀乎臣等顛顛不勝

致懇文謝臣聞天為上帝九名所以示崇高佛為法王十號所以稱具足陛下安得徇循小節遺至公推而不居猶以為薄臣等取昧死謹拜重上尊號曰應天皇帝伏乞順萬國之歡心答三靈之睠命不違誠請昭備典冊使百代垂景光而作程飛英聲而不朽豈不美歟豈不盛歟臣等幸逢興運夙叅朝列累獻非常之祈願奉惟新之慶所冀日回三舍天移二山愚有不奪期有必遂無任悃欵屏營之至謹詣朝堂奉表固請以聞

代百官請上尊號第三表

呂溫

臣某等言臣等自管窺天以凡揆聖度奉徽號整陳至誠而再降謙光未迴宸睠慙局一作罔據彷徨失圖臣等誠

感誠懼頓首頓首臣聞強名曰道莫體混元之功推大于

天類表作惟豈報生成之德徒以定物視聽示人津涯俾

其會歸有所則象伏惟皇帝陛下克廣睿圖紹休聖緒順

考古訓茂宣重光亭毒以佐天和震曜以除人害性與道

合身為化先神行六幽風集作威動九服求珠赤水觀妙用

於無方檢玉名山告成功而有日豈可過損盛德不昭鴻

休棄臣子瀝血之誠阻華夷傾首之望當仁必受乃曰至

公與物無私寧嫌在已安卑者地山嶽之峻豈慙好謙者

天日月之光何讓道貴傳繼禮從宜稱邦家之舊典不可

以廢天人之合應不可以違臣等謬服官常親承至化一

彼肝膽三贖宸嚴殞越為期俯伏俟命類表作實望陛下

隨時立教以欲從人游神於不宰之鄉屈已於有名之域

潤色大寶發揮皇猷古今一時天下幸甚無任懇迫屏營

之至謹奉表陳請以聞

元和南省請上尊號表

類表

臣聞皇階類表肇典必本其丕烈明號允屬將御其成功

所以開天地命歷之符合人靈慶感之運臣等輒敢上稽

天鑒下採人謠以今月十九日瀝懇陳辭冀孚睿聽九重

尊秘萬有顛顛誠未動天心如履薄類表作未動天臣誠

惶誠恐頓首頓首伏惟睿聖文武皇帝陛下德繼統上

符十天六龍時乘下壓群嶽張寶圖以光帝載懸王鏡以

澈襟靈休明會期則百神宜備清淨子物而萬邦式孚今

...

類表無 夫陰本於刑陽稱其德以刑而類表作則右武以德而

今字 尚文蓋將導人君無為之初類表官天道有成之始

今陛下宣威紀功示人以武也業古垂統示人以文也纂

炎唐十一之盛陋宗周八百之期序庶微於域中推賜履

於閩外宇宙至廣每驚符瑞之繁動植殊輕奚答生成之

造昔之述夏禹美宣王雖外軼其聲而中未盡善孰若陛

下慮及類表一物精入萬樞發揮盛祉啓迪鴻業自彼元

和至於茲歲掃群妖清巨浸率黎崇類表之不恪刻節

類表枿之方圖或身暴都市或首懸葉街天英神斷不疾

而速雖堯伏四罪殷征三年揆之於今彼有慙德固當仰

應名實不陟鴻徽闢乾位於象帝類表之文類表宸

稟氣之類豈可抱冲謙之微類表事曠祖宗之大猷臣等

不勝由衷大願願上尊號曰元和聖文神武法天應道皇

帝伏願納天人之貺采臣庶之誠昭示至公允塞群議無

任悃迫悽悽之至

第三表 第二表闕 同前

臣聞古先哲王垂衣御極何嘗不取鑒祖則作為盛猷伏

觀列聖以來必崇明號既以表域中之大亦以示天下之

公苟或冲讓未行偽謙不發則無以焜煌前列威畧外區

臣等所以披誠上陳冀垂明聽墨詔批答天心尚遠臣庶

顛顛不知所措臣等誠惶誠恐頓首頓首伏聞類表開元

天寶之盛也典章大備劔戟已銷表德顯功累上尊稱蓋

天人之符契不得已而從之陛下稟上聖之姿造中興之
運踐臨土宇類表作方夏虔奉宗祧恢復兩河廓清四海象天

為類表作大並日之中丕業巍乎已成鴻名鬱而未稱臣等

所以采前古之議酌當今之詮類表有非字敢悅懌乎天顏類表

有所冀光昭乎史冊百辟卿士皆以為宜萬方黎元固不

可忽陛下損之於其成類表作甚盛之代棄類表作斥之於泰寧之

時尚以河隍未收關隴設備而欲更施利澤方啓舊章執

謙德而彌仰類表作抑崇高議神功而無以彰灼億兆延頸靈

祗顧懷率土之人皆知不可况天地之意祖宗之靈乎臣

等命偶昌期職叨類表作居樞近雖微誠不足以上感而懇願

終冀於必從伏乞深惟訓謨特降宸慮允華夷之至望回

日月之殊輝誕受鴻名光膺大慶紹五帝三皇之絕典光

九廟萬國之不休人神交感孰不為允無任懇款兢惶之

至

第四表

同前

臣仰稽舊章虔上尊號懇誠三瀝冲旨未回朝野顛然類表

若罔知攸措臣等誠惶誠恐頓首頓首臣聞帝王御極作

人司牧德盛者爰加顯號功高者必建鴻名是用叶天地

之符塞人祗之望榮非為已義實徇公爰在累聖必從衆

欲矧陛下踐寶祚握瑤圖懸日月而照九圍鼓雷霆而清

八極故得吳蜀電滅齊蔡砥平攄祖宗之宿憤救黎元於

焚溺今者威加四海澤浸八荒文軌罔不同華夷罔不服

政刑罔不舉符瑞罔不臻闢類表作開再造之宏規致中興之
昌運而典冊類表作大典猶鬱徽號未崇何以副萬國之心何
以答三靈之貺臣等謬居樞近累黷宸嚴望九重之俯從
為千載之榮遇雖則祈天之奏伏蒲而未感所冀回日之
誠傾藿而必遂臣等不勝懇款屏營之至

校三十九字

九月十五日藏園記

文苑英華卷第五百五十四

文苑英華卷第五百五十五

表三

尊號二

中書門下請上尊號表三首

為文武百官請復尊號表六首

京兆府請復尊號表二首

代京兆府耆老請復尊號表二首

禮部為百官上尊號表二首

中書門下請上尊號第一表

于邵建中元年

臣炎等言臣聞自古帝王配天受命必建徽號傳之無窮

號者功之表也三五以降皆約所著之功以彰厥德則犧

農軒項之號或質勝文而文勝質悉以一時盛烈而崇號

焉伏惟皇帝陛下續戎立極紹庭應運居域中之大為天
之君聖敬日躋孝理時乂放珍禽竒獸為異方遠物畧
嘉禾美瑞俾良史不書洪惟成湯一德率先老氏三寶舞
干是務和戎是利惟賢是登惟惡是去雖夏后卑宮菲食
漢文帷囊弋緜與我比崇彼實懋德今園陵未闋升祔云
畢孝思罔極達于神明克禋克祀卜時撰吉載命元子光
啓儲君禮無不備道無不洽而鴻名未揚典故猶缺將何
以告清朝謁聖祖對越神祇昭格上下伏乞許臣等上尊
號以備大禮有以答乾坤之貺有以符億兆之歡臣等才
非啓沃職叅近侍遠媿賡歌空懷赤實不勝懇願屏營之
至謹奉表陳以聞

第二表

前人同

臣炎等言伏以表鴻動尊明號百王之弘典八聖之嗣烈
則可祖述古訓憲章前範上以明帝王無私於已下以表
匪子行古之道所以詢於公卿稽彼典常冒昧為請期於
必從奉詔還答未蒙聽允阻臣子之協同彰聖人之護甚
當此反側得為安乎臣炎等誠惶誠迫頓首頓首臣聞上
覆有名曰天下載有名曰地天地尚著於名位而陛下父
母天地端居大寶獨無名乎臣等固知其不可謂此况踰
年作制履端於始啓廸乾運祗膺天秩此皆宗社廼瞻元
元式瞻其當至公不在謙已伏惟一作陛下首在藩邸親
搃六軍屬彼昆夷乘我間豈犯我都鄙扈鑿輿以東幸奮

魏武以旋師一呼而上將雲奔傳檄而遠蕃磨至朝廷以
正華夏以寧旋表元良迨茲臨御顧命之後畏天之威躬
履節用勤於宵旰大孝感於神明茂功由乎發號友愛日
至觀行不忘顧升平以儉致將徠遠以德服風雨時若妖
氛一作氣不動夫然則俗可追於大庭人可納於壽域而欲
忽鴻名舐人望固以自約其可得乎臣等才謝將明力慙
匡輔欣逢至道竊荷寵光願回天私獲遂丹悃無任懇迫
屏營之至謹奉表陳請以聞

第三表

前人同

臣炎等言臣等考古訓酌群言建大中之道陳徽號之請
累表上聞皆抑而未許踰天棟迫屏營失圖臣固以此請

者方欲協萬國之歡繫一人之本蓋非私於主而專於已
實以荷大賚法上玄遵王之路也伏惟皇帝陛下以唐堯
回德光宅天下以周文直行陟降庭止應乾立極迨乎踰
年又奉今月甲寅詔將有事於郊廟越翼日乙卯復下有
司命元子以主器薦珪置幣尊祖配嚴屬車將邁明號未
布瞻望霄極遐哉邈乎至乃陳一王之儀合百神之禮祝
告史載則謂之何臣又聞之守文纘服繼序不忘遵奉遺
烈必思其復惟高祖象雲雷以起經綸惟太宗造區夏以
創大業惟玄宗倚孤劔以攘臂惟肅宗振一旅而討逆惟
代宗搃天兵以佐命皆拯生人之崩角安國家之綴旒德
澤洽于上蒼功業冠於邃古而皆順人心以敬天命享大

名而騰茂實况陛下居雍邸將天下奔西戎約北狄此所以彰武功也其在望苑則問安視膳春誦夏弦尊師以廣其聰明敬老以全其羽翼此所以懿文德也及受顧命反居諒闇勺飲不入杖而後起同軌不踰於七月升祔永終于九虞此所以昭大孝也克勤于邦日親萬務克儉于用化行四海珍禽奇獸不育於國沉珠捐金必受以人此所以返太素也有一於此則可以發揮鴻休光啓尊號豈可尚懷謙損莫顧與能九廟之靈儼思虔告百辟之望終期必從陛下必欲固拒群心輕此盛典則祖宗之前號盡為虛美陛下安得而墮之臣愚故知其不可也臣等待罪披垣屢陳愚款儻未回天瞻將萬請以之無任大願悽悽之

至謹奉表昧死以聞

為文武百官請復尊號第一表

崔元翰貞元五年

臣等言臣竊觀前代之盛列辟之英咸保鴻名而崇明號

或配其德或昭其功蓋所以揚耿光彰淳懿而示遠也其

有暗然類表而不耀後嗣何觀蔽而不揚群臣之罪伏惟皇

帝陛下由正統而臨祚承聖緒而受圖稟高明之姿於天

侔博厚之德於地端教化之本制行禮之中聲震八區威

加六合運造化之柄柳集類表作運玄造之化靡有不通成陰陽之功

衆莫類表作信莫柳集作莫之能測是用光膺聖神文武之號其後雖

逢阨運尋柳集作今睹昌期誠我武之掃清猶自咎而抑損同

罪已之義明愛人之仁群臣等上順聖心以成恭德而退

懷大懼謂掩全功五年于茲若墜冰谷方今百職皆理庶績其凝人用成和俗惟丕變陳師鞠旅無犯塞之虞封疆

畫界柳集作畫無專地之患四海寧謐柳集類表作一萬類蕃滋

薄刑溢不寃之聲逋賦蒙勿收之惠西成有穰歲之報南

極見壽星之祥靈貺屢加天恩允答豈宜固類表作妄為菲薄

以掩盛明尊號之崇願復如舊况臣等親奉平明之理久

蒙覆露之恩耻德美之不彰憂罪戾之將及伏惟陛下復

循舊典俯徇群心柳集作情誠天地神祇內外臣庶之所望也

臣等無任屏營悃欵柳集類表作懇之至謹詣朝堂奉表陳請以

聞臣誠勤誠懇頓首頓首謹言

德宗興元元年幸奉天削去徽號貞元五年六年百

僚六表請復舊即此也是時崔元翰為禮部員外郎

歷知制誥唐書稱其詔令温雅故類表以為元翰所

作而英華誤作常衮按衮建中初卒至是已十年又

抑文收此表或入正集或入外集按宗元年譜貞元

五年方十七歲八年始貢京師其謬誤可知况英華

總目明言取之類表其為元翰何疑

第二表

前人同

臣某等言臣等前詣朝堂上表伏願柳集作請復加尊號奉被

還旨未遂懇誠拳拳顙顙不勝大願臣等伏以崇明號昭

盛德爰自中古實為上儀以至於我祖宗莫不膺茲典禮

伏惟皇帝陛下有廣運之德弘覆載柳集作照微之仁燭幽以

明威遠以武惠澤之被誠浹洽于八方英聲之揚宜越軼
 于千古而乃久為抑損以守謙恭事有曠而不遵禮有缺
 而未備臣等又以為不私與已是謂至德柳集類表作公有美之
 而莫敢辭有非之而莫敢隱必推於物而順於人既以徇
 於群心又思叶於中典此皆聖王柳集之事也且夫虛而
 失實則夸耀而誣質而不華則朴畧而固而而字柳集王
 度資於潤飾帝者務於恢崇蓋柳集無將以法日月之昭
 明配天地之廣大聳遠人之觀德兼前代之軌模然後表
 其全功謂之盡善不可以方當陛下臨位群臣在庭而使
 鴻名不彰盛典猶闕既無以光昭眾美又無以丕承舊儀
類表則臣等蒙恥於今獲罪於後實為大懼敢忘盡類表
作章

號之崇願從群議伏惟陛下俯回宸睠察納愚誠不惟臣
 等受恩天下幸甚無任區區懇迫之至謹昧死重詣朝堂
 奉表固請以聞臣等誠懇誠勤頓首頓首謹言

第三表

前人同

臣某等言臣等前再上表請加尊號實以功德俱茂典禮
 宜崇然而不能鋪陳無以動寤愚誠雖竭天鑒未回臣某
 等誠懼類表誠恐頓首頓首臣某等謹按白武通曰號者
 功之表也神農有教田事之勤燧人有興火食之利伏羲
 正五始白虎通曰伏羲因夫婦正祝融續柳集三皇人為
 之名以柳集美其事其後帝王之盛泊我祖宗之明咸
 因人心而慎柳集古道雖損益或異其於二字柳表功明

德一也臣等所柳集類表作是以遵有國之令典采上古之遺文

察人志柳集作心於謳謠觀天意於符瑞敢以為請累表陳誠

曩者運丁艱難時或順動陛下思成湯之罪已念周宣之

側身去微號而不稱垂憫誠而自儆應天以德示人以恭

聞於蠻貊戎夷告于天地宗廟是故咸知陛下之志慕義

而歸仁潛感陛下之誠垂柳集作通靈而助順今者君臣和柳

同德上下叶心百職畢脩庶官以序法令明具教化流行

方內歡康天下寧壹四人遵業萬類樂生嘉應休徵神物

靈貺形于草木著于星辰而辭之以仁壽未臻至化猶鬱

遂使德誠可紀名號類表作仍未崇不告於明神不示於殊俗

將何以知陛下之戡難將何以表陛下之致平下無以威

於四方上無以報於九廟其不可一也淳古之至化邈而

不追柳集作足非烈祖之盛儀廢而不續其不可二也庶正群

官宗室支屬西土耆老柳集作長太學諸生黃冠之倫緇衣之

侶萬眾伏闕彌旬織路而乃不從人心以違公議其不可

三也守謙恭卑讓之志忽光大弘遠之圖臣等誠雖至愚

以為大謬伏以恒久之德貞夫一也元始之義善之長也

弁包覆露天之大也清淨玄默道之妙也睿知之周物不

可以不稱夫聖也妙筭之無方不可以不稱夫神也行仁

義脩典法歌詩頌考文章不可以不稱夫文也攘却戎夷

戡剪暴逆邊兵以整禁衛以嚴不可以不稱夫武也而合

於唐堯乃聖乃神乃武乃文之德臣某等謹稽以乾符叶

於古典侔德澤之廣配功業之崇昧冒萬死伏請上尊號
曰貞元大道聖神文武皇帝臣等竭其精誠發於交感庶

柳集作無以回日其能動天無任屏營惓懇之至謹詣朝堂奉

表固請以聞臣誠惶誠恐頓首頓首謹言

及大會議戶部尚書班宏又請加奉道字故又改其
文傳施不息而萬物以生推功不宰而萬化以成又
合於書之奉若天道之義伏請上尊號曰聖神文武
奉道皇帝

第四表

前人貞元六年

臣某等言臣等去年九月三度詣闕上表請復上尊號懇
惓雖竭精誠莫通又懼於累塵聖聽類表作聰是用中輟大願

未畢群心靡寧臣某等誠勤誠懇頓首頓首臣等生逢昌

運早列清朝獲睹文明繼迹賢俊類表作俊又柳集作聖俊亦嘗考前

載於史氏訪遺儀於禮官至於保鴻名尊號之榮昭茂功

盛德之美皆烈祖之垂法為累代之成規子孫之所宜不

承臣下之所宜崇奉陛下纂聖緒而臨下尊令典而柳集作以

制中則亦俯從公卿大夫之請光膺聖神文武之號間者

陛下以禍亂之故特貶損而自倣以從一時之宜信為恭

也今乃欲遂變更而不復以廢先祖之典則若專焉豈陛

下或未之思然臣等實以為懼雖欲行陛下之志奈先祖

之典法何伏惟陛下因于憂勞深自咎責命祝史告于天

地陳圭幣祠于祖宗布于群臣聞于兆庶固能降開祐之

福致感悅之誠咸和以叶心盡瘁而畢力弼成神造康濟
 艱難寇逆掃除暴強擾順侯衛奉守屏之職夷狄為來庭
 之賓兵戎不興邊鄙類表不聳文軌同於四海貢賦脩於
 九州至若時候將憊必惟思而內省皇情微軫遂交感而
 潛通陰陽和而風雨時年穀熟而財用足休祥數見福應
 屢臻此皆天地祖宗垂靈錫祉以成陛下之志明無不答
 不享之咎也陛下宜承天意以悅神心增修盛儀再加明
 號崇昭報之禮表恢復之功而辭以仁壽未臻至化猶鬱
 則若尚懷不足以要天地祖宗雖有固讓之勤而非重請
 之義且夫號者其來尚矣燧人神農各旌其事湯以甚武
 而曰武王迨我祖宗亦柳集無崇高柳集類古道垂著新

法陛下獨為辭讓以守謙冲則皇王將有媿於前祖宗將
 不悅於後而帝德是非之辨固有所歸國典異同之文後
 難以守且陛下本為炯誠以示敬恭誠謙德也今以先王
 之道而不敢不法烈祖之訓而不敢不承又謙德之大也
 若乃守獨善而遺公議執小讓而忽宏規違臣度之心廢
 祖宗之典乃所以失陛下之恭德又徒以掩陛下之全功
 等雖誠至愚竊所不取輒敢徵之國典酌於經義取貞
 者事之幹元者善之長以配聖謨神化之盛文德武功之
 崇叶紀年之嘉名遵舊號之美稱以如開元故類表事謹
 昧冒萬死請上尊號曰貞元聖神文武皇帝伏惟皇帝陛下
 下沛然回慮俯徇群情然後聖德之光昭玄功之茂著後

代得揚盛美而鏡至清是群臣之願也不勝懇迫之至謹
復奉表詣闕固請以聞臣某等誠勤誠懇頓首頓首謹言

第五表為文武百僚太子少保于頔以下作

前人同

臣頔等言臣伏以尊號未復累表陳情伏奉詔旨固守謙

恭臣頔等上援柳集天地神靈次奉祖宗典法列經義而

順古因類表人心以從時詞繁而不能陳明誠端而未蒙

察納德美盛而猶蔽憲度缺而莫修罪戾是憂冰炭交集

臣頔等誠惶誠恐頓首頓首臣頔等伏以先王之道由大

中而可久近古之化以彌文而益彰則守謙而為恭不如

立中而垂法表類表樸而禮畧柳集作畧不如文明而化光

况於文質異時而國家自有制度豈直為一王之法固以

通三代之文其於規模信為弘遠陛下嗣訓先祖貽謀後

聖當踐修以纂承柳集奚柳集變更而廢墜臣等又復讀詔書

曰遐想哲王則自燧人神農殷湯之時有其事也又曰欽

若典訓則自代宗肅宗玄宗而上有其儀也又曰所誠者

滿所尚者謙守之以誠期於終始臣等以為去鴻名而貶

損讓之始也遵舊典而奉承謙之終也造次而未嘗違於

禮守之以誠也敬恭而無或蹈柳集於專所誠者滿也

又曰虛美崇飾所不敢當伏惟皇帝陛下恤人之心動天

之德致理之文教戡難之武功著於頌聲光於史氏上有

其實無虛美之謙集作下盡其誠非崇飾之偽又曰勉一

乃心共康庶政曩者公卿大夫侍御携僕或從扞牧圉或

乃心共康庶政曩者公卿大夫侍御携僕或從扞牧圉或

備持戈矛蓋有同力之誠而無離德之間今者四嶽群后
九土庶邦外自藩維內及宗室黃髮耆老青衿諸儒或僉
以同辭或遠而抗疏一心之効也群材序進百職交脩烽
燧不驚兵戈以息鑽鑿不用獄訟以衰六氣和而風雨時
五穀昌而倉廩實庶政之康也誠由教化以致雍熙自當
冠於皇王寧復謝於堯禹宜加明號以表成功陛下雖以
為辭臣等未知其說又伏奉詔旨令臣等斷表伏以君親
一致臣子一例而春秋之義以王父命辭父命柳集無不
以父命辭王父命則臣頌等得遵先帝之典以違陛下之
詔謹冒昧萬死伏請復上尊號如前不勝惶懼懇迫之至
謹復詣朝堂奉表固請以聞臣頌等誠惶誠恐誠勤誠懇

頓首頓首謹言

第六表

前人同

臣頌等言臣等今月七日所上表昨十五日下午詔旨如初
辭讓愈固臣等感護冲於盛德而私有舊典隳廢之憂懼
煩瀆於聖聽類表而內懷微誠懇迫之切進退競惕不知
所措臣頌等誠惶誠恐頓首頓首臣頌等伏以為類表無
事貴舉其中立柳集類表名惡浮於實得其中不宜變之
而失正有其實不必避之以為恭况以祖宗之矩儀國家
之典制陛下道尊教備柳集作教德博化光奚柳集取於
貶損而自卑朴畧而太簡者也昔漢宣帝謂元帝曰我漢
家自有制度諸葛孔明誠其主曰不宜妄自菲薄前史載

之詳矣幸陛下思之臣等又為執小讓之賢不足以方得

禮柳集合度之善去鴻名之敬不足以補變法改作之專

陛下行之將何所守伏以高祖受茲柳集明命歷代承以

聖德至陛下又有下武繼文重熙累盛之美不可謂德之

不嗣也躬上聖之資合至神之化哉禍亂制夷狄之武修

禮樂垂憲度之文不可謂實之不孚也比年以來俗化斯

厚人少犯法吏無舞文微行將空桎梏柳集不用可謂

人皆遷善豈曰俗未勝殘若固柳集辭之所未悟也况

於尊號之美陛下已受於初去之既柳集由於艱虞復之

宜因於康靖若柳集示其罰不旌其功何以知區宇之

削平何以知宗廟之紹復柳集似非陛下之本意但自

欲改先祖之遺儀耳內外臣度跋履山川思報主恩誓雪

讐耻亦欲摠其宿憤表其成勞陛下猶掩鴻名不彰柳集

窮其事則此等有如柳集未盡不以為歡儻陛下以自

咎責之心尚或未弭則群臣不能匡輔之罪是亦柳集

當未除將何以蒙陛下之恩私將何以受陛下之爵賞君

猶含垢匿以偷榮群下之情必深反側又無以示於萬古

無以威於四夷皆非遠圖且垂大體臣等懷此數者恨恨

而不能自安謹冒昧萬死重違詔旨伏請復上尊號以如

前表伏惟皇帝陛下思聿脩無念柳集之言顧屈以從人

之義再膺大典俯徇群心因來月謁太清宮太廟郊祀上

帝遂以告祠實臣等之至誠實臣等之厚幸不勝惶懼懇

迫之至謹復詣朝堂奉表固請以聞臣等誠惶誠恐誠勤誠懇頓首頓首謹言

及大會議國子祭酒韓洄請歷數近日徵應祥瑞故又改其文如後表

又伏見陛下以今年四月以來方當雩祭之脩而有旱備之請纔僦期而未害於物深軫念而將恤其人氣潛通而交感以和澤旋流而滂霈思遠由是風雨時而霜雹不降稼穡茂而蝗螟不生農功以成年穀大熟休祥數見福應屢臻仁木迎理而垂陰嘉禾同穎而挺秀壽星舒景炎之盛芝草布葩英之重白輦凝彩而雪暉蒼鳥取象於天色將徧於郡國相繼於歲時右具如表

京兆府請復尊號表

柳宗元貞元十九年

臣某言某日月諸縣耆老某等若干人詣臣陳狀辭意迫切以陛下尊號未復請詣闕上表者人心已鬱安可久違

天意實勤諒難固拒撫狀英華作伏非感悅深契微誠臣某誠

懇誠迫頓首頓首伏惟皇帝陛下聖神之功貫於天地文武之道超乎古今盛德愈大而謨光益深玄化已成而微

號未復遂使神祇缺望人庶怨思沐浴鴻澤者敢懷畧刻之安捧戴皇恩者不知寢食之適負愧懷憤萬方一心日

日以冀遂淹星歲况今地不愛寶致百穀之豐穰天惟降衷呈衆瑞而繁委汙萊瘠鹵之拋混成大田草木蟲集作鳥

獸之微化爲神貺萬靈垂鑒昭然甚明此而不從臣所大

感矧又兵戎未戢夷狄咸懷煦英華作然長春樂以終日照非

是以耆老等深感聖育踴躍不寧上奉天心集作恩跼蹐知

懼頓頽闕下願復鴻名不謀而同無期而至此皆上玄幽

贊以誘其衷列聖垂靈以悟其意臣以為陛下當敬于表類

作斯旨不可忽也又伏以陛下賞功與能舉賢出滯小

言不廢片善是褒豈可使臣子之効雖微而必旌君父之

德盡美而無稱凡在覆載孰不驚惶臣不勝懇倒恐懼之

至謹封耆老等狀隨表昧死陳情以聞謹言

第二表

前人同

臣某等言臣伏以耆老等並發丹誠將貫白日請復徽號

以光聖謨臣以其懇款自中不可禁止遂抗表陳情備述

微誠伏奉墨詔批答未蒙允許者衆心尚阻天意未從懇

迫逾深競惶無措臣某中謝伏惟皇帝陛下道大益護化

成彌損雖江海善下每應朝宗之心而日月居高久稱照

臨之位况復上承天命下覩人誠若然辭之理有不可伏

以陛下功參造化政體乾坤萬邦宅心百靈効職此聖之

至也明並兩曜信如四時先天不違窮神知化此神之極

也道德純被禮樂興行宸翰動於三光睿藻窮於六義此

文之備也五兵不試七德咸宣殊方者知歸負固者率服

此武之成也黃龍皓兔甘露慶雲神禾嘉瓜祥蓮瑞木萬

物暢遂百穀茂滋此天之至靈也黎老班白伏守闕庭鰥

發童幼誣歌道路此人之至誠也有其德而無其號拒乎

天而遠乎人雖陛下謙讓之至美抑非臣心之所安也伏以賤志難明微誠莫達戴天彌懼履地益慙不任懇迫屏營之至伏願早建大號以稱天人之心謹再奉表昧死陳請以聞

代京兆府耆老請復尊號表

前人同

京兆府長安縣耆老 臣石靈等言 臣伏以陛下尊號未復

一十九年盛德彌光大化益被加以休徵咸集福應具臻

至於今歲紛綸尤盛風雨必順生長以時五稼盡登萬方

皆稔神意 類未作應人事正在於斯天不可棄 違時不可 臣等誠懇誠迫

頓首頓首 臣聞恩深必報德盛必崇以陛下九重之尊推

崇無上以陛下四海之大報効何施惟有尊名用光聖理

闕然未復誰所敢安 臣心則微天意甚重伏惟皇帝陛下

體昊穹以施化虔上帝以致誠今則 集作萬祥應期百神

奉職飛走之物皆已効靈草木之類咸能應聖天命降於

上人誠發於中此而可辭孰云有奉况復野多滯穗畝有

餘糧足食之慶克溢於京坻阜財之謠歡呼於道路蓋非

人力皆是天成神祇之望既勤遐邇之心又迫况 臣等得

生邦甸幸遇盛明身體髮膚盡歸於聖育衣服飲食悉自

於皇恩被玄化而益深望鴻名而未覩懇倒之至夙夜不

寧謹詣光順門昧死請復聖神文武之號以副天地宗社

之心使海內赤子得安其所 臣等不勝懇倒迫切之至謹

奉表以聞

類表作靈

第二表

前人同前

類表作震

類表作於

懼集作

類表作謙冲一作搗謙

況集作

京兆府長安等縣耆老臣石靈等言伏奉墨批答臣所請

復尊號未蒙允許者捧對惶遽不知所裁天實命之於臣

何有臣等誠懇誠懼頓首頓首臣聞聖君以奉天為心不

以執讓為德以順人為大不以崇讓為優今陛下深拒天

人之誠猶懷讓讓之道臣等愚惑未不知所歸且百祥荐臻

特表昊穹之睠五穀蕃熟用彰后土之勤億兆嗷嗷願天

請命上下交應幽明同心舉而違之臣所未識况臣等共

被仁育同臻太和陛下德達上玄以豐臣之衣食道躋壽

域以延臣之歲年沐浴皇風二十餘載兒童感化鰥寡知

恩故臣等出鄉之時歡呼遍野閭里勉臣以不進不止妻

孥誓臣以不遂不歸唯竭血誠退無面目便當殞首闕下

終不徒還伏惟陛下照臣懇迫之情哀臣羸老之命臣等

不勝嗚咽慚恨之至謹奉表陳請以聞

禮部為百官上尊號表順宗

前人末貞元年

臣某言伏以聖王之纂承天位也臣子必竭懇誠獻尊號

安敢為佞禮在其中一則以告天地神祇二則以奉宗廟

社稷三則以安華夏蠻貊巍巍大稱其可廢乎臣等誠歡

誠望頓首頓首伏惟皇帝陛下叶周文之孝德齊大禹之

約身弘帝堯之法天過殷湯之解網未逾周月四海將致

於時雍甫及元正率土更欣於再造然而神人之願億兆

之情有所不安率謂未盡善者以為帝德廣運而尊號猶

望集作

安集作

一作闕郊廟備禮而祝嘏無詞凡百競懷華夷屬望臣謹

按昔臯陶之頌舜伊尹之頌湯皆天子至公面揚君父以

敷於當代以播於無窮夫豈飾哉率由事實帝王尊號蓋

漸於此皇家光被四表祖宗烈文時當太和德崇明號類表

作崇號表德耳目所接簡牘斯存稽之於前典則如彼考之於

聖朝又如此今龜筮習吉元正戒期當品物惟新之時乃

皇上大禮之日陛下交天地饗宗祧陰陽協和動植交暢

不建至尊之稱恐違列聖之心所以臣等冒責集作死陳聞

請上尊號伏惟陛下集作抑小讓讓之節安延企之情特詔

名儒禮官百寮庶尹詳明故實議崇聖德則人望允厭神

心獲安山川効靈光贊無疆之壽祝史陳信永彰不朽之

功臣等蒙國寵榮備位班列無任懇望之至

第二表順宗

前人前

臣某等言臣等再陳丹懇請獻鴻名天心未從伏增隕越

集作隕臣越無措某等誠惶誠恐頓首頓首謹按堯曰咨爾舜舜

曰格爾禹湯曰吾甚武自號曰武王則堯舜禹湯皆當時

王者之號也考帝王之故實徵往聖之憲章允協禮經煥

乎圖誅伏惟皇帝陛下允恭克讓約已讓尊參天兩地之

功為而不有安上理人之德置而不論此至哉王言非群

下所能仰望也然臣等伏以為尊號所以類上帝饗祖宗

萬人所稱百蠻所仰表聖德於率土播天聲於無疆陛下

請之之謂禮帝王允集作承之之謂孝孝大於讓禮光集作先

一作崇明號德集作尊號表德

於護百王不刊之典安可得而廢也臣等又以春秋本於

五始元者五氣集作一歲之首春者四時之首王者受命之首

正月者政教之首郊天大禮者立極之首今天地交泰俯

臨元辰正始之美正當其運陛下確遠群願固守謙冲此

臣等所以競惕失圖回集作徊惶無措上冒嚴憲敢逃厚責

伏乞俯賜集作垂天聽察納微誠特詔禮官議臣所請揆日

推筭虔奉鴻休區區懇誠期集作敬盡於此猶恐天光未照

三獻無徵彷徨闕庭伏待斧鑕無任聳望之至

此卷英華所編失年代先後之序今正之

校二百九字

九月十七日汪妹記

文苑英華卷第五百五十五